

اقتصادیات

مجموعہ سی

خالد

اشترک بدلی

عثمانی مملکتی ایچون:
ییلانی بر بوجوق لیرا

اجنبی مملکتی ایچون:
ییلانی ۳۳ مارق - ۵۰ فرانک

دانه سی ۳ غروش

ییل ۱ - صائی ۳

علمی و عملی ہر نوع اقتصادی مسئلہ لردن بحث ایدر و ہر بازار ایرتہ سی کونی چیقار .

ادارہ خانہ : استانبول، سلطان حامی - معقولیان خانہ

اعلانہ بدلی

بر دفعہ لوق مر سطر ایچون:

یکرمی غروش

سنہ لک اعلان ایچون

آیر بچہ آ کلاشیلیر

۲۹ شباط، ۱۳۳۱

مجموعہ مزہ یازاجق ذاتلرک اسملری [الفبا صیراسیلہ] : آرسلان افندی، دیون عمومیه مدیر عمومیسى - احمد امین بك، دارالقنون ایستایستیق معلی - راشید بك، خارجیہ نظارتی امور تجاریہ مدری - توفیق بك، دیوان محاسبات رئیسى - جاوید بك، سابق مالیہ ناظرى و قلمہ سلطانیه مبعوثى، جمال بك، معادن مدیر عمومیسى - حامد بك، عثمانی بانقہسى مجلس اداره اعضاسى - حسن تحسین بك، مالیہ مستشارى - خلاجیان افندی، سابق نافعہ ناظرى و استانبول مبعوثى - خلوصی بك، سابق نافعہ ناظرى و حجاز مدیر یوللری مدتی عمومیسى - ساسون افندی، بغداد مبعوثى - سعاد بك، خارجیہ نظارتی امور اداره مدیر عمومیسى - سعید بك صنایع مدیر عمومیسى - سلیمان سالی بك، نافعہ نظارتی طرق و معابر مدیر معاونى - سلیمان سرى بك، نافعہ نظارتی نافعہ مدیر عمومیسى - ضیاكوك آلپ بك، دارالقنون اجناعات معامی - عثمان فطری بك، طرق و معابر اداره سی هیئت فنیہ رئیسى - علی خانی بك، حلب مبعوثى - علی رضا بك، امور بیطریہ مدیر عمومیسى - غالب بك، پوستہ و تہلہ غراف نظارتی قلم مخصوص مدیرى - فائق نژہت بك، مالیہ نظارتی واردات مدیر عمومیسى - فرید بك، مسكوكات مدیرى - كاظم بك، مالیہ نظارتی دیون عمومیه و معاملات تقدیہ مدیرى - مصطفی بك، نافعہ نظارتی دهمیر یوللر مدر عمومیسى - مصطفی شرق بك، تجارت و زراعت مستشارى - مختار بك، نافعہ مستشارى - منیر بك، سیغورطہ لر مدیرى - نسیب بك، زراعت مدیر عمومیسى - یوسف کال بك، عدلیہ مستشارى .

بغداد بیورو پولٹک طوروس و آمانوس قسملرنک انشاسی

بو هفته ظرفندہ مجلس مبعوثان طرفندن تصدیق اولنان بر لایحہ قانونیہ موجبنجہ بغداد خط کبیرینک طوروس و آمانوس قسملرنک تریع و اکال انشاسی ایچون حکومت عثمانیہ طرفندن شرکت مذکورہ ایہی میلیون یوز اون ایہی یک لیرالقی بر آوانس ویریلہجکدر. مسئلہ نک اہیتنہ بناء بوکا دائر اولان موازنہ مالیه انجینی مضبطہ سنی عیناً درج ایدیورز: بغداد دمیر یولی انشاآتہ عائد استقراضات تحویلرلرنک سنہ لردن بری دوام ایدن بحران عمومی طولایسیلہ پیاسہیہ اخرا۔ جندہ کی عدم امکان خطک اک مشکل و اک مصرفی اقسامی اولان طوروس و آمانوس عملیاتنک ترقیسنہ قوی بر مانع تشکیل ایلہ۔ مکدہ ایدی. حال بوکہ حرب اثناسندہ عملیات مذکورہ کرمی ایلہ دوام ایدلمک لزومی حس اولندیغندن حکومت بو خصوصہ بغداد شرکتیلہ بر ائتلاف عقدی تشبثاتندہ بولندی. 'وزون مذاکرات نتیجہ سندہ طرفیندن ایدیلن متقابل فداکارلقلرلہ اشبو مقالہ نامہ عقد اولندی:

مقالہ نک شرائط اساسیہ سی بروجہ آتیدر:

اولاً: حکومت عثمانیہ بغداد شرکتک امرینہ انشاآتک دوامی مدتجہ ۲,۱۲,۰۰۰ لیرامہیا بولندیرہجکدر. بومبلغ ۱,۳۶,۰۰۰ لیراسی شرکتہ اقراض ایدیلہجک و ۱۷۶,۰۰۰ لیراسی دہ احوال حربیہ نتیجہ سی اولہرق عملیاتک استلزام ایدیلکی فاحش مصارفی تضمین وتلافی مقصدیلہ ویرلمش اولہجکدر. عملیات ختام بولمہدن اول حرب ختام بولہجق اولورسہ ۱۷۶,۰۰۰ لیرا تمام اویرلمیوب یالکزمصارف مقتضیہ نک یوزدہ اونی نسبتندہ برشی ویریلہجکدر. ثانیاً: شرکت کندیسنہ اقراض اولنان مبلغ ایچون ہر شعبہ نک ایشلتلمکہ باشلانیدی تاریخنندن یعنی اغلب احتمال اولہرق آمانوس (معمورہ - اصلاحیہ) قسمی ایچون ۱ تشرین اول، ۱۹۱۶ و طوروس (قرہ بیکار - طوراق) قسمی ایچون ۱ کانون اول، ۱۹۱۷ تاریخلرندن اعتبارا حکومت سنیہ یوزدہ اوچ فائض تأدیہ ایدہجکدر. شاید مقالہ نک عقدی تاریخنندن اعتباراً بش سنہ ظرفندہ شرکت بورجنی تسویہ ایتیمہجک اولورسہ فائض مقداری بو کچن بش سنہ نک بہری ایچون ۱٪ فضلہ فائض تأدیہ سنہ مجبور اولہجکدر. کذلک بش سنہ نی تعقیب ایدن اوچ سنہ ظرفندہ ینہ تأدیہ ایتدیکی تقدیردہ بو اوچ سنہ نک بہری ایچون ۱٪ فضلہ فائض الخ تأدیہ ایدہجکدرکہ بو صورتلہ فائضک مقداری یوزدہ دردہ کلور دیمکدر.

ثالثاً: حکومت سنیہ بغداد شرکتہ اقراض ایتدیکی مبلغ ایچون کندیسنک بومبلغی استقراض ایتدیکی زماندہ معین اولان مقدار فائضدن یوکسک بر فائض اعطاسنہ ایلرودہ مجبور اولہجق اولورسہ بو فضائ فائضی دہ بغداد شرکتی حکومتہ نقداً تأدیہ ایدہجکدر.

ایشتہ بو شرائط اساسیہ دائرہ سندہ عقد اولنان مقالہ نک حکومتہ تحمیل ایتدیکی فداکارلق خطک بر آن اول انشاسندن انتظار اولنان فوائد عسکریہ، اقتصادیہ و مالیہ ایلہ قابل قیاس دکلدرد.

قورون آلیش ویریشندہ مضر بر سپہ کولاسیونک اوکئی الملق مقصدیلہ خارج ایلہ معاملات مالیه حکومتک رسمی بانقہ سندہ تمرکز ایتدیرلمشدر. بو تمرکز سایہ سندہ خارجی پیاسہلر ایچون یالکز احتیاج مبہم درجہ سندہ اوللق اوزرہ تقدیر اولنان تأدیات اجرا اولنیور. سپہ کولاسیونہ قطعاً میدان بر اقلیمور، تأدیات قورونہ حصر ایدلمیوب داخل مملکتندہ موجود اولان خارجی پارہلر دخی استعمال اولنیور.

بو تدبیرلر سایہ سندہ بر آردہلق قورون رایجی کچندہ ۳۶ ایکن اوتوز برہ قدر چقیدی. فی الواقع صوک زمانلردہ رایجہ یکیدن بر تنزل وقوعبولمشدہ یقیندہ یکیدن صلاح بولہجفی. اغلب احتمال اتندرد.

بعض آوستریا غزتہلرنک ادعاسنہ کورہ آوستریا - مجارستان رسمی بانقہ سنک بانقہ دہ کی آلتون و کموش پارہ موجودی حقدہ معلومات ویرمہ سی دخی قورون رایجی اوزرینہ سوء تأثیر اجرا ایتمشدر. فقط، انکلز غزتہلرندہ کوریلن معلوماتہ کورہ آوستریا - مجارستان بانقہ سنک آلتون موجودی ۱۹۱۴ تموزندہ یعنی حرب عمومیہ نک آغازلندن اول ۱۰۶۷ میلیوندن عبارت ایکن ۱۹۱۵ سنہ سی نہایتندہ بومقدار ۱۰۴۰ میلونہ تنزل ایتمشدرکہ بوتناقص حقیقتہ موافق اولسہ بیلہ نسبتہ شایان اہمیت دکلدرد. بعض آوستریا غزتہلری بو کتومتیدن طولایی حکومتی تنقید ایدیورلر. داخلی تجارت عالمی دخی حربک بدایتندہ دہشتلی بر سکتہیہ دوچار اولمشدہ صوک زمانلردہ بر جوق شعبات تجارتندہ حال طبیعی عودت ایتمشدر. از جملہ لوازم حربیہ اعمالات و تجارتیلہ مشغول اولانلر پک جوق پارا قازانمشلردرد. ویانہ وپشتندہ بانقہلر اسہام حصہ دارلرینہ ۱۹۱۴ سنہ سی ایچون وسطی اولہرق یوزدہ ۸-۹ درجہ سندہ بر حصہ تمتع توزیع ایتمشلردرد.

سنی ذاتی ایلہ کچین ارباب عمل [proletaires] میانبدہدہ رفاه حال اکسک اولمہ مشدر. بونلردن قسم اعظمی تحت سلاحہ دعوت اولندقلرندن مملکتندہ قالانلر ایچون پک جوق ایش قالمش. نتیجہ اعتباریلہ اجورات ایشلمش، بعض صنایعدہ یوزدہ الی وحتی یوز درجہ سندہ یوکسکلمشدر.

آوستریا - مجارستان حیات اقتصادیہ سنہ محاربہدن صکرہ حسن تأثیر اجرا ایدہجک اولان تجلیاتدن بری دہ قادینلرک کرک صنایعدہ، کرک تجارتندہ و شمعیہ قدر بیکانہ قالدینی بر جوق شعبات اقتصادیہ قوللانیلماسیدر. قادینلر کندیلرینہ تودیع اولنان ایشلرک اکثریسندہ حیرتبخش بر موفقیت ابراز ایتمشلردرد. یوز بیکلر جہ قادینک استحصالاتی احوال حاضرہ ایچون بیوک بر عامل رفاه اولدینی کبی محاربہدن صکرہدہ بیوک بر عنصر ترقی تشکیل ایدہجکدر.

اگر بغداد شرکتیہ اشبو ائتلافنامہ عقد ایدلمش اولسہیدی طوروس و آمانوس قسملرینک انشاسی آنجق حربک ختامندن و بر نتیجہ قطعہ یہ اقترانی مشکل مذاکرات مدیدہ دن صکرہ ممکن اولہ ییلہ جکدی . بودہ لاقفل بش ، آلتی سنہک بر زمان دیمکدر . اشبو مقاولہ موجبہ ایشہ ایکی سنہ دن اول خط کاملاً انشا ایدلمسہدہ بوصورتہ بغداد شمندو فرینک قسم مہمکن انشا آتی ختام بولمش ، دہا طوغریسی مسائل معلقہ دن اولان بغداد شمندو فری مسئلہ سی ہان ہان حل اولمش دیمکدر . بوقسملر سایہ بندہ استانبول ایلہ سوریه آرہ سندہ مناقلات منتظمہ تأسیس ایدلمش اولیور .

اقتصاد فہرری

داخلی

آنونیم شرکتلر

صوک نسخہ مزیدہ صورت قطعہ شدہ تشکل ایدوب ایشہ باشلا مش اولان شرکتلردن بحث ایتشدک . بونلردن ماعدانظامانہ داخلیری بالتظیم تصدیق ایچون تجارت وزارت نظارتہ تقدیم اولمش و ایوم نظارتجہ تدقیق ایدلمکدہ بولمش بروجہ آتی بعض شرکتلردہ موجوددر :

۱ — بیروت صنایع و تجارت شرکتی : مرکزی بیروتہ اولوب مدتی یکریمی بش سنہ دن و سرمایہ سی الی بیک لیرادن عبارتدر . مقصد تأسیسی ایلک و قماش اعمالاتیلہ اشتغال ایتکدر . مؤسسلری تجار و اشراف معتبرہ محلیدر .

۲ — بیروت حرش آنونیم شرکتی : بیروتہ حرش تعبیر اولان اورماندہ قلوب غازیو و قوشو محللری انشا و ادارہ ایتک مقصدیلہ تأسیس ایدلمکدہ اولوب مرکزی بیروتہ در . مدتی قرق سنہ دن و سرمایہ سی اون بیک لیرادن عبارتدر .

۳ — قونیہ تجارت عمومیہ تورک آنونیم شرکتی : مرکزی قونیہ در اولوب قرق بش سنہ مدت و الی بیک لیرا سرمایہ ایلہ قونیہ در عباچی اوغلی حاجی مصطفی ، کلیسالی زادہ حاجی طاهر و رفقاییلہ قونیہ اقتصاد ملی بانکہ سی طرفلرندن تأسیسہ تشبث اولنمشدر . مقصد تشکلی بالعموم امتعہ داخلہ و خارجہ یی و ہر نوع بقالیہ اشیاسی آلوب صاتمق و عند الايجاب مالی صناعی مدنی تشبثاتہ کیریشمک ، زراعہ آلات و ادوات زراعیہ اعطاسی صو رتہ معاونتہ بولنقددر .

۴ — آقرہ تورک تجارت و منسوجات آنونیم شرکتی : مرکزی آقرہ در اولوب امتعہ قطاریہ ، تحافیہ ، زجاجیہ ، مانیفلا طورہ تجارتیلہ و صوف نسج و اعمالیلہ اشتغال ایدہ جکدر . مدتی اون سنہ دن و سرمایہ سی یکریمی بیک عثمانلی لیراسندن عبارت اولوب مؤسسلری نجاتی بکلہ رفقایسی تجار و اشراف محلیدن دیگر معتبر ذواتدن مرکبدر .

۵ — لازقیہ توتون تجارتی آنونیم شرکتی : مرکزی لازقیہ در اولہرق و اروپا توتون تجارتی اخراجاتیلہ مشغول اولمق اوزرہ حاجی قاسم اقدی و رفقایسی طرفلرندن تأسیسہ تشبث اولنمشدر . مدتی اون بش سنہ دن سرمایہ سی اون بش بیک عثمانلی لیراسندن عبارتدر .

۶ — استانبول منبع صولری شرکت عثمانیہ سی : مرکزی استانبولہ اولہرق استانبول و جوارندہ کی بالجملہ منابع نفیسہ صولریخی قواعد صحیہ و قبیہ یہ توفیقاً شہرہ نقل ایلہ اہالی ہ فروخت ایتک و دپولر انشا و صو نقلیاتہ مقتضی ہر نوع قابل و بونلرہ متفرع آلات و ادوات اعمال و جلب ایلک اوزرہ و ہی زادہ فؤاد بک طرفندن تشکیل ایدلمک ایستیلن اشبو شرکتک سرما یہ سی اوچ بیک عثمانلی لیراسندن و مدتی اوتوز سنہ دن عبارتدر .

۷ — یوزغاد ملی آنونیم تجارت شرکتی : نظیف آغا زادہ احمد اقدی و رفقایسی طرفلرندن تأسیسہ تشبث اولنن بو شرکتک مرکزی یوزغادہ اولوب مدتی اون بش سنہ دن و سرمایہ سی اون بش بیک لیرادن عبارتدر . محصولات زراعیہ و صناعیہ و امتعہ داخلہ و خارجہ مبیاعہ و فروخت و ہر دورلو معاملات تجاریہ و صرافیہ ایلہ اشتغال ایدیلہ جکدر .

یوقاریدہ تعداد اولنن شرکتلر استانبول منبع صولری شرکت عثمانیہ سی مستثنا اولمق اوزرہ ہان کافہ سی آناتولیدہ تشکل ایتشدہ . آناتولی اہالیسنک آنونیم شرکتلرک فائدہ و اہمیتی تقدیر ایلسی اقتصادی اعتبارہ ایچون بر فال خیر تشکیل ایدر . بو شرکتلرکدہ مقصدلری برر برر تدقیق ایدرسک شایان ممنونیت نتیجہ لر الہ ایدرز . شمدی یہ قدر اوفق تفک قومیسینوچی و مطرہ بازلرک الہ بولنن تجارت عمومیہ یواش یواش منتظم شرکتلرک الہ کچمکدہ اولدیغی کبی حرف و صنعتہ و بالخاصہ صنعت نسجیہ یہ اہمیت ویرلمکدہ در .

خارجی

رومانیادہ ادخالات

ادخالات ایچون رومانیادہ تشکیل اولنن قومیسینو اشخاص خصوصیہ طرفندن پایلہ حق ادخالاتہ مقابل اخراجی ممنوع اولنن ماللر ایچون اخراج مساعدہ سی ویرمہ مکہ قرار ویرمشدر . رومانیاحکومتی ایجابندہ لازمکن دولتلرلہ طوغریدن طوغری یہ رسما مذاکراتہ کیریشہ جکدر .

باقی دی رومانیہ

ایتالیادہ قله ریہاللرک ادارہ سی آئندہ بولنن و شہریمزیدہ شعبہ سی بولنن باقو دی رومانیہ تشکل بر وضعیتہ دوچار اولدیغندن دیگر بعض کوچک بانکہ لرلہ برلشمک مجبوریتندہ بولنمشدر .

قرہ دی لیونہ

قرہ دی لیونہ بانکہ سی ۱۹۱۵ سنہ سی ایچون یوزدہ بش حصہ تمتع توزیع ایدیور . بو حصہ تمتع نہ قدر دون اولدیغی تقدیر ایتک ایچون ۱۹۱۳ سنہ سندہ مذکور بانکہ نک یوزدہ ۱۳ حصہ تمتع توزیع ایتدیکنی نظر اعتبارہ آلق کفایت ایدر .

تشکر

مجموعہ مرک انتشارینی ممنونیتلہ قارشیلان بوتون رفقاہمہ و بالخاصہ آیریمچہ بر مقالہ تخصیص ایدن تورک یوردی و ترجان حقیقت رفیقہ زلہ تاسی و مقصد نشریاتجی تلفراف حادتی اولارق بیلدیرن و تبریک ایدن برلر تاغابلات غرتہ سیلہ آوستریا مجارستان غرتہ لرہ صبی تشکرلری تقدیم ایدرز .

جلال ساهر

مدیر